

Berguensa grandi pa Gobierno di Aruba

Ambtenaar ta entrega keho contra su mesun Ministro

ORANJESTAD (AAN) E noticia cu DIARIO a publica ayera riba e keho penal oficial entrega contra ministro Nilo Swaen, a haci un impacto grandi pasobra esaki a cay manera un bom cerca pueblo.

Ta tras di otro escandalonan di mal maneho di e gobierno actual di MEP tabata saliendo den publicidad, pero poco hende den pueblo por a kere di por a haya di tende cu cos a yega of lo yega un dia asina leu cu un ambtenaar lo haci denuncia di mal maneho na autoridadnan competente.

Algun tempo atras un ambtenaar cu a keda anonimo a haci un analisis den DIARIO encuanto e ley cu ta existi cu cualkier ambtenaar cu constata actonan contra ley den maneho di gobierno, tin e obligacion pa haci denuncia na Ministerio Publico y e tempo ey gobierno no a keda mucho contento cu e publicacionnan ey, pero awor cos a yega asina leu cu ambtenaarnan cu a wak cu awa a cuminsa yega na lip di pueblo pa lora ta trata mal maneho di gobierno y tambe mirando cu den Reino Hulandes diferente escandalo di gobernacion a pone casonan bay corte unda ambtenaarnan a wordo yama pa duna cuenta, na Aruba awor empleadonan publico no kier bay carga culpa pa ningun ministro cu hiba mal maneho.

E caso di denuncia contra ministro Nilo Swaen ta uno cu ta un berguensa grandi pa gobierno di Aruba y ta pa

prome biaha den historia cu algo asina ta pasa na Aruba.

Awor pueblo tin cu bay wak con Ministerio Publico ta bay atende e caso aki pasobra te awe despues di tres aña y mey di mal gobernacion, Ministerio Publico no a haci

mucho cos contra un lista largo di casonan straño y dudoso cu a tuma lugar den gobierno y te hasta dos hende cu a wordo deteni bao di sospecho di actonan contra ley haci cu telefoon den Bestuurskantor te awe tin un

wega straño rond di e caso ey.

Te hasta cabes di dos polis y un halto comisario a wordo poni riba bloki pa asina trata na tapa asuntanan mahos cu lo a tuma lugar den Bestuurskantor y te awe Ministerio Publico ta keda

bira rond di e caso y su vocero manera custumber cada biaha ta bisa net net nada ya ta sigui crea e mal impresion den pueblo cu Ministerio Publico na Aruba no ta un instancia imparcial mas.

Marlon Werleman encuanto entiero di Papa Juan Pablo II:

Lo protesta di con Reino Hulandes a laga Aruba afo



ORANJESTAD (AAN): Dialuna durante reunion cu Ministro Plenipotenciario di Aruba na Hulanda, presi-

dente di Parlamento Arubano, Marlon Werleman a papia riba e ausencia di un representante di Aruba na e entiero di Papa Juan Pablo II.

Aki a wordo informa, cu Reino Hulandes a haya invitacion, y contrario na otro paisnan, Reino Hulandes a haya 5 invitacion. Mester a tene cuenta cu 1 invitacion mester a bay pa Aruba, y uno pa

Antiyas.

Pero a resulta cu ni Antiyas, ni Aruba a wordo informa riba e posibilidad pa un representante bay pa e Entiero aki.


Hulanda na un forma no-diplomatico a escoge pa cubri tur 5 invitacion, sin notifica Aruba ni Antiyas di esaki.

Gobierno di Aruba sigur lo sa di protesta contra e hecho

lamentable aki, segun Werleman a declara na DIARIO. Esaki no ta prome biaha cu Reino Hulandes den actonan oficial, ta laga Aruba y Antiyas (partnernan den Reino) afo.

Asina Aruba a keda sin un persona oficial pa participa den delegacion di Reino durante entiero di Papa Juan Pablo II.

CADA 4 AÑA TIN UN IDIOMA NOBO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Mesa di Olifante

Afl. 125,=

